



# Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ E-mail: Info@xs.uz

2021 йил 29 май, № 112 (7892)

Шанба

Сайтимизга ўтиш учун QR-кодни телефонингиз орқали сканер қилинг.



## ЎЗБЕКИСТОН ПРЕЗИДЕНТИ РОССИЯ СОҒЛИҚНИ САҚЛАШ ВАЗИРИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 28 май куни мамлакатимизда амалий ташриф билан бўлиб турган Россия Федерацияси соғлиқни сақлаш вазири Михаил Мурашко бошчилигидаги делегацияни қабул қилди.



Ўзбекистон билан Россия ўртасида соғлиқни сақлаш соҳасидаги амалий ҳамкорликни янада кенгайтириш масалалари кўриб чиқилди. Давлатимиз раҳбари бугунги хавфхатарлар илгор халқро тажриба асосида самарали соғлиқни сақлаш тизимини ривожлантириш ва замонавий техноло-

гияларни жорий этиш нақадар муҳим эканини яна бир бор кўрсатганини алоҳида таъкидлади. Пандемияга қарши курашишда кўрсатилган кўмак, жумладан, аҳолини эмлашда амалга оширилган самарали ҳамкорлик учун миннатдорлик билдирилди. Устувор йўналишларда, жумладан, он-

кология, гематология, вирусология, нефрология, трансплантология, фармакология ва бошқа соҳалардаги кўмак дастур ва аниқ лойиҳаларни амалга ошириш масалалари муҳокама қилинди. "Электрон соғлиқни сақлаш" тизимини жорий қилиш ва телемедицинани кенг ривожлантиришга алоҳида эътибор қаратилди.

Юқори малакали тиббиёт ходимларини тайёрлаш борасидаги яқин шерикликни давом эттириш, жумладан, Тошкент шаҳрида Россиянинг етакчи Н.И.Пирогов номидаги тиббиёт университети филиали фаолиятини тез фурсатда ташкил этиш, шунингдек, Россиянинг етакчи клиникалари негизиде врачлар алмашиш ва уларнинг малакаси-

ни ошириш дастурларини кенгайтириш юзасидан келишувга эришилди. Соғлиқни сақлаш вазири Михаил Мурашко мамлакатимизда аҳолига тиббий хизмат кўрсатиш сифатини тубдан яхшилаш борасида амалга оширилган ислохотларни юксак баҳолаб, Россия ўзбекистонлик шериклар билан соғлиқни сақ-

лаш соҳасидаги кенг қўлмали тизимли ҳамкорликни ривожлантириш ҳамда тиббиётнинг турли соҳаларида замонавий билимлар ва илгор тажриба билан бўлишига тайёр эканини таъкидлади.

Ў.А.

Ўзбекистон Республикаси Президенти Матбуот хизмати суратлари.

## УЙ-ЖОЙЛАРГА ХИЗМАТ КЎРСАТИШ ТИЗИМИНИ ТАКОМИЛЛАШТИРИШ БЎЙИЧА ВАЗИФАЛАР БЕЛГИЛАНДИ

Президент Шавкат Мирзиёев раислигида 28 май куни кўп қаватли уй-жойлар барпо этиш ва уларга хизмат кўрсатиш тизимини такомиллаштириш масалалари муҳокамаси юзасидан видеоселектор йиғилиши ўтказилди.

Мамлакатимизда шаҳар ва қишлоқларни янгилаш, аҳоли учун муносиб турмуш шароитлари яратиш бўйича кенг қўлмали ва манзилли ишлар амалга оширилмоқда. Сўнгги уч йилда умумий майдони 41 миллион квадрат метр бўлган 155 мингта хонадон фойдаланишга топширилди. Кўп қаватли уй-жойлар сони 2 бараварга ошди. Янги уйлар, замонавий массивлар кўпайиши билан уларга хизмат кўрсатишнинг долзарблиги ортиб бормоқда. Бу бўйича ўтказилган сўровларда кўп қаватли уйларда яшовчи 35 фоиз аҳоли кўрсатилган хизматлардан норози экани, 65 фоизи ширкатлар ишини амалда сезмаётганини айтган.

Бунга сабаб — кўп ширкатларнинг ўзи молиявий оғир аҳволда. Яхши хизмат кўрсатиб, одамлар ишончини қозонолмапти. Имитизлар берилганига қарамай, кредитлар вақтида сўндирилмапти. Шу билан бирга, уй-жой коммунал хизмат кўрсатиш соҳасида маблағларни самарасиз ишлатиш, бюджет маблағларини талон-торож қилиш ҳолатлари жуда кўп. Жумладан, охириги 2 йилда соҳанинг 100 га яқин мансабдор шахслари коррупциявий жиноятлар содир этгани учун жавобгарликка тортилган.

Йиғилишда кўп қаватли уйларга хизмат кўрсатишни яхшилаш ва уй-жой фондини янгилаш борасидаги устувор вазифалар муҳокама қилинди.

Вилоят марказлари, шунингдек, Нукус, Чирчиқ ва Ангрэн шаҳарларида айрим мавзеларни, тажриба тариқасида, малакали бошқарув-сервис компанияларига бериш зарурлиги таъкидланди. Ушбу компаниялар фаолиятини рейтинг асосида баҳолаш жорий қилинади. Хизмат кўрсатиши яхши бўлганларга объект сони кўпайтириб берилади. Барча бошқарув-сервис компанияларида 24 соат ишлайдиган буюртма қабул қилиш марказлари ташкил этилади.

Яна бир муҳим масала — кўп ҳолларда, ширкатлардаги қарздорлик хизматлар нарҳидаги номунасобиллик туфайли келиб чиқарди. Энди уй-жойларни сақлашнинг минимал хизматлари ва меъёрларини маҳаллий Кенгашлар аҳоли билан келишган ҳолда тасдиқлайди. Бунда, ҳудудий коммунал хизмат бошқармаси тариф параметрларини бандмабанд асослаб, қиладиган ишлари ва

кўрсатадиган хизматлари бўйича режаларини тақдимот қилади. Ижтимоий реестрга кирган эҳтиёжманд оилаларга уй-жойларни сақлашга мажбурий тўловлар учун субсидия ажратилади. Ахборот технологиялари ва коммунал-хизматларни ривожлантириш вазирлигига шу йил 1 октябрдан бошлаб мажбурий тўловларни биллинг тизимида амалга ошириш бўйича ягона электрон платформани ишга тушириш вазифаси кўйилди.

Янги қурилган 3 мингта кўп қаватли уйларга хизмат кўрсатиш йўлга қўйилмагани кўрсатиб ўтилиб, улар учун бошқарув компаниялари ташкил қилиш зарурлиги таъкидланди.

— Инсоннинг яшаш шароити яхши бўлмаса, оиласида тинчлик, ишида унумдорлик бўлмайди. Менинг энг катта ташвишим — лойиҳа сифатли эмас. Агар қурилишда коррупция омилини йўқ қилиб, иқтисод нуқтаи назаридан халқнинг пули назоратини қучайтирсак, натижа бошқача бўлади, — деди Шавкат Мирзиёев.

Тураржойларни замонавий иссиқлик таъминотига ўтказиш, бунга хусусий секторни кенг жалб қилиш муҳимлиги таъкидланди. Бу йил 183 та янги уй-жой массивлари қурилмоқда. Уларга 185 километр ичимлик суви, 290 километр оқова тизими, 130 километр электр, 110 километр табиий газ тармоқлари тортилади. Бунинг учун зарур 415 миллиард сўм маблағнинг манбалари аниқ.

Мутасаддиларга ушбу массивларни инфратузилма билан сифатли таъминлаш юзасидан кўрсатмалар берилди. Осиё тараққиёт банкнинг 50 миллион доллар кредити ҳисобидан аҳоли зич, уй-жойга талаб юқори бўлган туманларда қамда 3 мингта хонадонли кўп қаватли уйлар қурилиши қайд этилди. Уй-жойнинг бошланғич бадали учун субсидия тўлаш тартибини соддалаштириш ҳамда мuddатини қисқартириш бўйича кўрсатмалар берилди. Ҳудудларни обод қилиш, ижтимоий инфратузилмани ривожлантириш бўйича бажарилаётган ишларга ҳам тўхталиб ўтилди. Жорий йилда 7 минг 794 та қишлоқ ва маҳалладаги шароитларни яхшилаш учун 18 триллион сўм маблағ йўналтирилган. Бундан ташқари, аҳолини тоза ичимлик суви билан таъминлаш, ички йўллар қуриш ва таъмирлашга яна 300 миллион доллар ажратилган.

Президентимиз бу борадаги ишлар ижросини танқид қилиб, мутасаддиларга қолоқликни бартараф этиш ва лойиҳаларни сифатли бажариш бўйича кўрсатмалар берди. Ў.А.

## Ўзбекистон Республикаси Олий Мажлиси Сенатининг ўн бешинчи ялпи мажлиси тўғрисида АХБОРОТ

28 май куни Тошкент шаҳрида Ўзбекистон Республикаси Олий Мажлиси Сенатининг ўн бешинчи ялпи мажлиси бўлиб ўтди.

Видеоконференцалоқа тарзида ўтказилган мажлисда Ҳукумат аъзолари, вазирлик ва идоралар раҳбарлари ҳамда оммавий ахборот воситалари вакиллари иштирок этди.

Ялпи мажлиси Ўзбекистон Республикаси Олий Мажлиси Сенати Раиси Танзила Норбоева олиб борди.

Мазкур ялпи мажлис иши Сенатнинг расмий веб-сайти ва ижтимоий тармоқлардаги саҳифалари ҳамда "UzReport" телеканали орқали тўғридан-тўғри жонли эфирда намойиш этилди.

Ўзбекистон Республикаси Олий Мажлиси Сенатининг 14-ялпи мажлисида сенатор А. Соатов томонидан Сурхондарё вилояти "Сувоқова" ДУКнинг Термиз шаҳар филиалига тегишли "Чикинди сувларни тозалаш иншооти" талаб даражасида ишламаслиги сабабли чикинди сувларни тозалашга

имконияти етмасдан Амударёнинг Афғонистон билан чегара соҳилидаги қамишзорга тез-тез оқиб юборилиши, натижада қамишзорда турли хил зарарли пашша ва чивинлар кўпайиб, шаҳар аҳолиси "пашшахўрда" ярасидан мунтазам азият чекиб келиши таъкидланди.

Мазкур масала бўйича Сенатнинг Аграр, сув ҳўжалиги масалалари ва экология қўмитаси раиси Б. Тожиевнинг ахбороти эшитилди. Ялпи мажлис давомида сенатор А. Добрих тўқмачилик санаетида фаолият кўрсатаётган тадбиркорлар фаолиятига қўйинчиликлар тўғрисида Вазирлар Маҳкамасининг "Ўзбекистон Республикасида мувофиқлиги тасдиқлангани лозим бўлган мувофиқликни баҳолаш объектлари рўйхатларини тасдиқлаш тўғрисида"ги қарори ижроси масаласини кўтарди.

Ушбу масалани ўрганиш Бюджет ва иқтисодий ислохотлар масалалари қўмитасига топширилди. Олий Мажлиси Сенатининг ўн бешинчи ялпи мажлисида Ўзбекистон Республикаси Вазирлар Маҳкамаси томонидан тақдим этилган Ўзбекистон Республикаси Давлат бюджетининг 2020 йил ва 2021 йилнинг биринчи чораги якунлари бўйича ижроси тўғрисидаги ҳисоботлари муҳокама қилинди. Таъкидланганидек, карантин тадбирлари муносабати билан республикада иқтисодиёти ўсishi 2020 йил якуни билан 2019 йилдагига нисбатан 1,6 фоизга секинлашиб, ЯИМ ҳажми 580,2 триллион сўмни ташкил этган. 2021 йилнинг 1-чорагида ЯИМ ўтган йилнинг шу давридагига нисбатан 3 фоизга ўсган. 2020 йилда инфляция даражаси белгиланган 12,5-13,0 фоизли прогноз

параметрларидан паст бўлиб, 11,1 фоизни, 2021 йилнинг 1-чорагида 10,9 фоизни ташкил этган.

Давлат бюджети даромадлари 2020 йилда 132,9 триллион сўмга етиб, белгиланган 128,7 триллион сўм прогноз 103,3 фоизга ёки 4 192 миллиард сўмга ошириб бажарилган ёки 2019 йилдагига нисбатан эса 20,8 триллион сўмга ўсган.

2021 йилнинг 1-чорагида Давлат бюджети даромадлари белгиланган 31,9 триллион сўм прогнози амалда 33,9 триллион сўмга ёки 2,0 триллион сўмга (106 фоиз) ошириб бажарилган. Даромадлар ўтган йилнинг мос давридагига нисбатан 5,4 триллион сўмга кўпайган.

Маҳаллий бюджетлар 2020 йил даромадлари 27 триллион 702,9 миллиард сўмни ёки аниқлаштирилган прогнозга нисбатан 110,9 фоизни ташкил қилган.



### Таълим

## ТИЛ БИЛГАНГА КЕНГ ДУНЁ



Дунёда воқеалар ривожини наватдаги уйғониш даври Шарқдан бошланишидан далолат берапти. Қадимдан илм-фан, маданият бешиги бўлган Марказий Осиёнинг уриб турган юраги бўлмиш Ўзбекистон ана шу Ренессанснинг марказига айланганига шубҳа йўқ. Бунинг учун уч-тўрт йилда эришган ютуқларимизга махлий бўлмай, олға қадам босишда давом этишимиз шарт, албатта.

Сўнгги йилларда мамлакатимизда таълим хизматлари бозори шиддат билан ривожланмоқда. Унинг моддий-техника базасини шакллантириш ва мустаҳкамлаш борасида ибратли ишлар амалга оширилди. Ўқитаётган ҳамда билим олаётган кадрлар учун ўқув-

меъёрий ҳужжатларни халқаро андозаларга мослаштириш борасида ҳам узулқисиз ишлар давом эттирилмоқда.

Ўзбекистон таълим бозорини мактабга, умумий ўрта, профессионал, олий таълим, илмий тадқиқотлар ва малака ошириш таълим бозорлари таш-

кил этади. Уларда инсон капиталини ривожлантириш учун жуда катта маблағ ажратилаяпти. Шу ўринда Президентимиз "Янги Ўзбекистон мактаб оstonасидан, таълим-тарбия тизимидан бошланади" деган фикрни беҳиз таъкидлагани аққол намён бўлади. Бу гоё таълим бозорини меҳнат қиллаётган ўқитувчиларга жуда катта масъулият юкламоқда. Педагог энди дипломида қайд этилган муайян фан бўйича ўқитувчилик қилиши эмас, балки шу соҳанинг мутахассиси мақоми учун тинимсиз ўз устида ишлаши керак бўлади.

Шу билан бирга, ҳаёт бугунги ўқитувчидан хорижий тил-







